

梧州府志

卷之五

城池
公署

卷之六

學校
書院
社學

卷之七

壇廟

梧州府志卷之五

七至六

建置志總序 城池 公署 學校 壇廟

王者之建邦也土其地

土猶度也

而制其城外則有垣

墉而內則有宮室明則有禮樂而幽則有鬼神立

國恒於斯敷政恒於斯矣宋明以來屢經兵燹規

制之改絃而更張者已非一端自我

朝奠定邊徼修廢舉墜以來飭紀整綱庶工懋績况

經制之大者乎郡屬皆山澤區職是土者當思大

易設險以固國及詩人作廟立門之義而時完繕

以整理之然後坐堂皇出治教化興而神人洽豈

梧州府志

卷之五

建置總序

一

惟百堵皆作而已哉志建置

梧州府志卷之五

建置志

城池

城者盛也所以盛受民物而崇墉深塹以環衛之也我

國家聲教暨訖普天率土鞏若金甌懷德維寧有
不徒藉夏官掌固之司者近又重申

令甲不惜帑金千百萬俾於所在城垣咸飭修築良以
固疆圉保人民典至重也梧州郡邑多因江山爲
城池險埒方城漢水矣而整葺之勤曷敢忽諸

梧州府志

卷之五 城池

二

梧州府蒼梧縣附郭

府城在大雲山麓東北跨山西臨桂水南繞大江
宋開寶六年砌以磚爲四門周二里一百四十步
高一丈五尺皇祐四年儂智高叛城毀至和二年
展築周三里二百三十七丈闢四門明洪武十二
年復展八百六十丈爲門五有樓東曰正東西曰
西江又名阜安北曰大雲南曰南薰西南曰德政
覆以串樓一百九十六間濠環城東西南三面北
因山爲險正統十年寇毀十一年知府諸忠重修
置刻漏於德政門樓上景泰三年復被寇毀天順

七年大藤峽賊陷城八年知府袁衷重修蒼梧志云是縣門年乃置刻漏於德政樓上未詳孰是

成化二年都御史韓雍增高一丈造串樓五百六十九間城下設窩舖三十六間宿守夜軍士浚濠深三丈濶一丈五尺內外皆樹木柵長三千三百五十丈四年作東南北門甕城重建五門樓鐘鼓樓正德初都御史陳金重修萬歷五年南門樓鐘鼓樓串廊復毀知府李橡重建八年知府陸萬垓重建德政門十三年知府林喬楠重修串樓五百二十五間四十六年南門西門德政門大樓復毀

梧州府志

卷之五 城池

三

知府陳鑑石廷舉相繼重修添設西門甕城天啓三年知縣梁子璠改爲陽城每城樓環設窩舖八間崇禎八年湖南寇熾知府章金鉉加高城雉國初各門樓盡毀蒼梧守道陳宏業知府祖澤潤重建康熙六年知府黃龍修西南圯牆二十五年知府陳天植知縣尹維旆重建城樓及北望樓四十年城四圍各塌數十丈知府李世孝修復雍正十年德政門城裂知縣李振宗修今城高二丈五尺週圍八百六十丈梁口一千零七十五現俱完

整

藤縣城在大江南繡江東二水合流上有平原晉
創立至唐武德初始城之元至順三年知府文魁
重砌周三百三十丈高一丈三尺明洪武十一年
改州爲縣宣德間築土城東北樹柵天順四年寇
毀五年巡撫葉盛委推官呂景融知縣熊善修築
成化二年都御史韓雍委知縣謝鉉用磚砌周三
百六十丈闢四門東通津西永安北拱辰南迎恩
敵樓十八間串樓三百七十五間西南民塘爲濠
東江爲濠環植木柵重以閘門隆慶五年署縣主
簿卜一佩捐修萬歷四十一年大水西城樓壞城

梧州府志

卷之五 城池

四

圮四十三年知縣李廷幹修葺崇禎六年北城樓
毀九年知縣梁昌重建易串樓爲陽城磚砌壯麗
國朝康熙三十八年知縣宋旭修北門樓雍正年間
知縣李文炎重建東西南三門城樓今城高二丈
濶七尺周三百六十丈梁口三百六十現在完整
五屯千戶所在古西甌北當風門佛子諸巢西通
府江北接荔浦乃斷藤左臂明初土人覃福率狼
獠八百六十四人編桂林中衛左所爲效勞軍授
福千戶領之原無城城自成化二年始時都御史
韓雍平峽賊調桂林衛千戶李慶撫之置五屯所

授福孫仲英爲土吏目世襲城匝三百有十丈串樓二百九十九間東門二南西北門各一皆有樓濠深一丈廣如之嘉靖八年總督王守仁拓其城以指揮王良輔爲督備分司於此編戶五里

國朝裁缺併糧入縣

容縣城在繡江上游唐容管經畧使韋丹所築內爲子城周二里二百六十步外城周十三里濠深二丈廣五丈宋咸淳寇毀四年重修元至正十三年寇焚門樓明洪武三年容州同知王清因其故址修築闢三門東曰日新西曰永安南曰繡水十

梧州府志

卷之五 城池

五

年改州爲縣二十二年設守禦千戶所於城西展築周四里一十八步改南門曰鎮遠北門曰拱辰西曰寧遠永安門在城中更爲譙樓造串樓三百八十七間天順三年毀於寇成化四年同知毛贊以城廣民稀請裁減以便伺守都御史韓雍從之截去東隅周五百三十丈高三丈蓋串樓一百三間七年又蓋串樓一百一十五間仍設門四改永安門爲東門嘉靖十一年知縣蔡雨修城浚濠萬歷八年知縣伍可受重修串樓一百一十間塞北門三十八年城圯知縣傅敏功撤爲陽城外城僅

存遺址惟舊濠如故後皆湮塞今城高二丈濶一丈周五百二十丈梁口一千零三十向有四門今存三門東曰永安西曰寧遠南曰鎮遠現皆完整岑溪縣舊城在今城西五里中鄉新城堡明洪武三年知縣劉鎮築成化十年僉事黃箎副使范鏞見城外無水非建城地請於都御史韓雍發帑屬知縣黃鳳翱卜築於烏峽之陽負山臨溪築磚城周一百六十丈高二丈開東北二門宏治八年知縣余敦善改陽城爲陰城架串樓一百七十間塞東門闢南門正德十五年知縣石希介因城褊小

築土城於外周三百八十餘丈上覆以瓦闢東西南三門嘉靖二十六年知縣趙禴以外城東南二門隨水順出非宜因改建之隆慶三年知縣李果又改還北門自是南北洞開重門歲久瓦卸城半頽圯不堪捍衛萬歷二十四年猺寇亂飭兵討之兵巡副使張文耀爲監督駐節城中見城隘難守白於總督陳大科巡撫戴燿題請宏拓屬通判歐爚知縣曾萃典史王一道董其事下瘞盤石爲基上布巨磚甃以石灰闢東西南三門外加甕門門上有樓餘設六敵臺臺上有樓城周三百六十丈高

一丈八尺天啓中知縣王用霖於城東南二門間
闢東門建城樓崇禎間知縣馬斯才改舊尖梁盡
爲方梁增高一尺五寸明季四門城樓敵樓俱毀
國朝順治間城守梁世龍復增望墩一座康熙二十
五年知縣趙純禧捐修四門城樓今城高一丈八
尺濶八尺周如舊梁口三百七十向有四門今塞
西北二門存東南二門東北附山無池西南沿小
河爲池現皆完整

懷集縣舊城在今城東古縣營明洪武三十年設
守禦千戶所千戶何本始築土城高一丈二尺周

三百二十九丈立四門南曰定懷北曰保集東曰
永安西曰臨江成化四年都御史韓雍修治砌以
磚石高二丈二尺周三百三十九丈濠深三丈濶
稱之七年建四門譙樓宏治七年潦水浸頽知縣
區昌重修隆慶五年又頽萬歷九年知縣林春茂
令軍民合修三十五年南門樓塌知縣何維國葺
之四十四年大水衝圮城牆串樓知縣謝君惠令
軍民重修崇禎十一年知縣王國冕改修陽城築
城堞一千一十個十四年知縣李盤增修城梁城
樓四門外各建兵房六間又濬城濠令深

國朝順治十六年知縣許重華修補頽缺康熙四年知縣鄒文郁重修四門城樓十三年知縣李雲龍於城外築土壘木柵浚城濠四十三年知縣桂天華塞保集門雍正二年大風雨四門傾塌知縣陳廷嵩捐修今城高二丈二尺周一百四十四丈一尺堞口如舊數池深三尺濶三丈現皆完整

舊志陳天植曰梧郡西望桂林南挹邕柳東徑南海形勢便利足相犄角三方有事此卽騷然固委注之區矣乃其城池負山帶江東北一隅山勢崇聳俯瞰城中僅若指掌虛實在眉睫間

江流泱泱奔注夏秋之交洪波漲潦無棲泊處而雄障隘塞又在深箐邃谷中爲獠獍頑梗所憑依前朝立府爲權設要郡厥後藤寇失禦命大臣開府宿兵儲餉儼然居重馭輕之勢故語梧之形勝以爲指麾策應之地則有餘以爲巖險自固之疆則不足然邇年再挫巨寇而褫其魄亦守禦之良謨也而在德不在險古人已言之是恃當事者之綢繆已

按梧郡倚山爲城緣江爲池雖曰天險而固守則在人力當宋明撫馭失宜寇賊蜂起之時卽

佳城蕩蕩安在其足恃者且夫郡邑之有城非徒以固吾圉也應變恃守禦而處常則持綱維一國之有城猶一家之有垣墉踰垣則禮節隳穿墉而獄訟起此事理之必然者譬人之一身固肌膚束筋骸氣完神聚而後榮衛得恃以安城廓不修而能理政寧民者鮮矣今者五嶺風清諸蠻化順庶績旣已成熙且百度莫不具舉而

聖明猶加意於城垣之修築蓋治益求治安益求安所以綱維天下而整理之者至詳且要至於扞

禦守備則古人固國以德衆志成城之說智者無以易之矣

建置志

公署

外有聽事之堂內有休息之所古人考室必圖攸
躋攸寧乃克奠其攸芋下筮升歌宋元公所爲賦
新宮也而國家設官分職於公廡也亦然其優禮
爲何如者唐風詩詠瞿瞿良士而猶曰職思其居况
食祿而養尊者乎

萬壽宮在府治東北舊爲火神廟乾隆三十五年知府
吳九齡遷祀火神於城外卽廟地增建

龍亭以爲祝釐之所

梧州府志

卷之五 公署

十

梧州府治在德政門內明洪武十年知府潘大郁
創建成化十一年知府袁衷重修中爲正堂後爲
後堂堂之後爲府衙衙之東爲同知衙捕盜通判
推官衙西爲督糧通判衙正堂之左爲架閣庫右
爲儀仗庫後堂之右爲富實庫正堂之旁東爲經
歷司西爲照磨所堂下夾以東西廊舍爲吏戶禮
糧房承發房西爲兵刑工及兵二房架閣房西之
邊爲四區以居幕屬又有司獄司東之邊爲周廬
以畜胥吏前爲儀門左爲迎賓館右爲土地祠大
門外有百粵會郡坊今廢改爲屏牆東西爲申明

旌善亭萬歷五年火惟存府衙清軍衙富實庫及大門大堂後堂各存五楹七年知府陸萬垓重建十三年以同知通判推官三衙連設於東地勢迫狹知府林喬楠請發公帑移建捕廳於西與糧廳一列東西四署相稱十六年增設新庫一座在富實庫之南四十六年火府治盡燬存清軍廳一署知府陳鑑重建國朝初四廳俱圯僅存府堂順治十四年知府張繼曾修大堂康熙二年知府黃龍重修建大堂川堂儀門及後衙康熙十年知府楊彥溶增建花廳小樓二十三年知府彭騰翹重修二堂二十六年蒼

梧知縣尹惟旆重修大堂捲篷及六房三十三年蒼梧知縣張文達修川堂儀門三十七年蒼梧知縣劉以貴重修六房四十三年知府李世仁修儀門雍正八年知府吳士鯤重修乾隆三十一年知府吳九齡鳩工庀材盡易朽蠹自大堂以及後衙舉撤新之有記

清軍同知署在府堂東久圯舊址爲營官占造順治十七年同知張璠捐貲買復重建衙署康熙六年同知楊蔭第重修十三年經逆變傾圮二十四年同知何顯祖修雍正十二年重修大堂頭門儀

門乾隆三十一年同知史鳴臯重修大堂二堂花廳三十四年同知宋清源建三堂

通判署舊在府堂東後圯康熙六年裁缺爲捕廳署至十七年復缺通判徐應龍重修乾隆八年仍奉裁今衙署尚存無復葺理

教授署在明倫堂左

訓導署在名宦祠前

經歷廳在府堂西

司獄司在儀門內久圯今在大門西隅

捐納倉三十間在城內茶山西康熙五十四年知

梧州府志

卷之五 公署

十二

府李世孝建

社倉三間在捐納倉前雍正三年知府徐嘉賓建圯乾隆三十四年知府吳九齡重建於縣北倉東預備倉在社倉前雍正十年驛鹽道耿麟奇詳請將餘鹽價預買鹽包運梧貯備建倉房三十六間新鹽倉乾隆三年鹽運分司陶德燾建造倉房三十七間

提督學政行署在城北門內康熙四十六年建大門儀門東西考棚大堂五楹二堂五楹兩傍外椽房班房東西各六間內衙三堂五楹東西耳房各

三間每年皆加修葺乾隆二十三年同知李文在捐建東西考棚共一十六間盡易以磚瓦乾隆三十四年東班房圯知縣牟鈐倡捐重建

分守桂平梧道行署在城內西府之前舊爲分巡道署前後堂各三楹大門儀門各三楹萬歷七年移駐鬱林州泰昌元年巡道陳忠愛復增飭之

國朝康熙三年改巡道爲守道署八年以分守蒼梧道兼理驛鹽道十二年分守驛鹽道秦仁管拓後衙重建大門儀門屏牆以後移駐省城舊署今半傾

舊志按明成化初議設三大府於梧州以都御

史韓雍總督兩廣軍務兼理巡撫以勲臣平江伯陳銳掛征蠻將軍印充總兵官與太監陳瑄開府於梧府有四一曰總鎮府鎮守內臣居之二曰總督府總督都御史居之三曰總兵府總兵武官居之四曰總府爲三府會議會燕之所皆營建於成化之六年也

舊總督府在郡城東北明成化七年都御史韓雍建衛以崇垣正堂後堂俱五楹堂之後爲穿廊又後爲勅書樓五楹堂之東有瑞芝軒西北爲友清堂東北爲燕喜堂樓之後爲退食堂皆五楹前拓

儀門大門各三楹門內左右各爲耳房嘉靖三年都御史張嶺建西爲燕樂堂三楹二層左右各爲耳房二十八年總督歐陽必進又建西南爲燕息堂五楹二層三十二年侍郎應欝建門之前有坊南曰節制兩藩東曰嶺海肅清西曰民物康阜右爲火藥局左爲賞功所又有中軍廳官房規制最爲雄偉鼎革時盡燬

國朝順治十三年以通省錢糧重修康熙十三年逆亂拆燬

總督西府在總督舊府西舊爲總兵府明成化七

年建正堂後堂各五楹穿廊左右耳房東西廂房椽房儀門大門各三楹堂東爲籌邊亭西爲餐秀亭下有小池前爲好我堂三楹門外有坊南曰揚威百粵北曰節制三軍嘉靖中總兵官移鎮桂林改爲總督府改坊曰台曜重開萬歷二十八年又改爲稅監府後又改爲分守道天啟二年叅政曾守身改籌邊亭建堂曰講業進諸生課業其中又闢大門之左建寅賓館三楹

國朝順治八年總鎮馬雄駐節於此康熙十二年分守驛鹽道秦仁管截取儀門以外地拓廣道署後

衙因逆亂悉燬廢

舊總府在城中土阜總督府東南明成化六年都御史韓雍建爲三府會同節制號令公所正堂五楹後爲穿廊又後爲同心亭左右各有耳房二堂之前東西廂各五間左爲開府碑亭右爲題名碑亭儀門三楹左爲三司廳大門三楹衛以崇垣將旗臺在儀門內東門之前爲坊曰揆文奮武嘉靖九年總督林富重修萬歷四十七年都御史陳邦瞻復修今廢

舊址豐碑尙存

察院行署在城內東南本總鎮舊署嘉靖十八年

梧州府志

卷之五 公署

十五

改爲嶺表書院於院建鳳棲亭三十一年改爲察院行署

國朝順治九年按院出巡蒼梧知縣熊坊修建後堂五楹穿廊一楹左右耳房二正堂五楹東西掾房十儀門三楹大門五楹繚以崇垣三司廳府縣廳各五門前有坊後圯十四年分守道陳宏業知府張繼曾重修今圯

分守蒼梧道舊署在南薰門內稍西大堂後堂各三楹大門儀門各三楹左右各有耳房明萬歷三十九年水圯遷原總兵府監稅公署四十六年復

燬

督捕廳署久圯後爲經歷照磨衙署康熙十六年
巡撫將軍傅宏烈進剿吳逆卽其後署建倉屯糧
理刑廳署久圯

國朝順治十四年推官閻玫詳復建置十七年推官
鮑鳳翔增修康熙六年裁缺通判劉祚向移住遂
爲捕廳署十七年通判徐應龍重修
照磨所在府正堂西久圯

稅課司所在驛館前西南江邊後裁

遞運所在驛前東南江邊後裁革改鹽課提舉司

梧州府志

卷之五 公署

十六

後俱廢

盤鹽舊廠在館驛東明成化六年總督韓雍疏立
委文官一員權鹽木諸貨以充軍儲但偏據上流
於下流耳目不及弊竇滋焉後移關帝廟前扼江
之要連舟爲宇隨江流長落益便抽盤同知陳熙
韶額曰梧江平準其驛東之舊廠燬其址爲知府
陳鑑生祠
廣備倉舊在總府東今廢

廣東嶺西道在叅將府後原三廣公陶魯建明萬
歷間圯廢

提舉司在雲山門外江濱萬歷三年改通運所爲
司官廳萬歷末水漲傾圮移建雲山街鹽場中今
俱廢

舊志

養濟院舊無考康熙五十九年署知府黃之孝與
前知府范大士子范選各捐銀一百五十兩在城
內倉前建瓦屋三十間中隔兩面收養男女七十
七人每月人支米二斗銀一錢衣服醫藥隨時給
賞其需費統於梧廠公費項內支銷開報乾隆七
年署知府劉暉潭以梧廠傾銷折水節省銀五百
兩詳請發蒼梧埠入餘鹽項下生息歲得息一百

五十兩收養額外孤貧每人月給米二斗其後額
外收養多至八十三人二十八年攝府事驛鹽道
張嗣衍以前項不敷支給又詳請於梧廠折水項
內每年添給口糧銀八十兩每月按數報銷遂爲
定規院屋現俱完整

蒼梧縣署在府城西門內明洪武七年知縣朱守
仁建中爲大堂左爲贊政廳兩翼爲六房前爲儀
門外爲旌善亭右爲申明亭次爲囹圄又前爲大
門外東坊曰仁育西曰義正又前爲屏牆堂後爲
二堂又後爲縣衙天啓元年知縣區龍正重建兵

燬後爲營兵分占其地順治十三年知縣朱廷燎
詳復十五年知縣雷璫始建康熙三年知縣黃道
宏修十一年知縣張若械增修後衙建兩廊棲六
房二十年東廊毀修復四十年重建大門儀門五
十三年重修大堂五十六年知縣劉國臣捐修後
衙雍正五年重修乾隆二十三年知縣牟鈐重
新之
按縣志蒼梧縣署其歷年修理皆煩民力康熙
三年之修建大堂者南五鄉民也建儀門大門
兩翼者北五鄉民也四十年重建大門儀門者
東六鄉民也五十三年重修大堂者仍南五鄉

民也惟五十六年劉國臣之修後衙則屬捐修
意者公署例動公役前明相沿已久經

國朝鼎新而後邊遠猶仍舊規不獨蒼梧爲然也
今者

功令森嚴凡地方一應工程舉動公項毋許絲毫派
累而傳舍其署者又或因循補苴亦非所以肅
堂皇壯觀瞻也乾隆二十八年奉文修理衙署
得支三年廉俸於是以公辦公工無不舉而閭
閻咸享休息之福豈非千載一時哉衙署其一
端也

教諭署在學院行署前署舊爲知事廳乾隆三年
蒼梧縣董成績詳建後裁乾隆七年教諭謝希姚
詳請爲署

訓導署在縣學宮左側

典史署在大堂西順治十六年典史沈居泰建

長行巡檢司署在城南一百里長行鄉上頭堡月

崗村

東安巡檢司署在城東一百四十里東安鄉中堡

石橋墟

安平巡檢司署在城西八十里安平鄉嶺脚村

梧州府志

卷之五 公署

十九

羅粒巡檢司署在城西南八十里須羅鄉缺裁署

久廢

常平倉舊在縣署南被水淹沒康熙三十七年知

縣劉以貴改移縣署後另造板木倉十三間五十

六年知縣劉國臣添造板木倉十八間

社倉四雍正二年奉文建一在羅粒司署側一在

長行司署側一在東安司署側一在安平司署側

預備倉在正東門內久廢

庫一間在二堂側

養濟院嚮在東門外知府范大士捐設後圯未復

囿圍在縣頭門內西

縣丞署在縣堂左缺裁久廢

主簿署在縣署東缺裁久廢

府門驛丞署在城南順治十六年缺裁署廢址存

龍江驛丞署在城西北八十里桂江南岸康熙八

年缺裁署廢址存

藤縣署舊藤州治唐時建明洪武七年知州趙文

重建景泰二年知縣唐禮修成化十年知縣方俊

修宏治十三年知縣廖大佐修正廳五楹左右廊

晷臺戒石亭儀門大門土地祠金銀庫縣丞主簿

各存衙椽房班房東賓館西囿圍俱大門內大門
之外左旌善亭右申明亭外屏墻墻之外左德政
門右厚生門規制俱備嘉靖末年知縣王宗予更
庫樓以磚石稱鞏固焉

國朝康熙十一年知縣蒲珩重修四十八年知縣張
純修大門儀門東西廊五十六年知縣陳士修捐
修大堂川堂雍正二年知縣李文炎修兩廊六房
布政司分司署在城內成化九年燬

按察司分司署在縣署東今廢

蒼梧道分司署在迎恩門內洪武七年建今廢

府館在縣署東今廢

教諭署在學宮左側前大堂爲明倫堂

訓導署在學宮右側前大堂爲風雅堂俱乾隆三十一年建

典史署在縣堂右久廢僦居民房

白石巡檢司廨在縣西六十里五屯江白石寨

寶家巡檢司廨在縣南一百二十里寶家寨今移設二十五都三眼堡

赤水巡檢司廨在縣東六十里缺裁今廢

廣儲倉在縣治西宏治十一年重修

梧州府志

卷之五 公署

二十一

國朝康熙五十五年知縣陳士修建三十三間今改名常平倉又建社倉 間

庫一間在縣堂西

國朝康熙四十八年知縣張純修建

分防署在迎恩門內今廢

河泊所久裁

容縣署本元容州路總管府故址明洪武三年同知王清建十年改州爲縣成化三年都御史韓雍遷建宏治六年知縣車轟烈重修中爲正堂後爲知縣衙東爲典史衙堂右爲儀仗庫東爲架閣庫

兩翼爲六房前爲儀門左爲土地祠右爲寅賓館
大門外列申明亭旌善亭稍前爲署坊萬歷四十
八年知縣區龍正建內題曰作對南山外題曰容
筦古治左右爲去思亭外爲溝溝水環縣砌以石
橋

國朝康熙四十八年知縣施鳳儀五十八年知縣劉
杞俱增建

教諭署在縣南學宮門內東明萬歷四十八年知
縣區龍正修建

訓導署在學宮右明萬歷四十八年知縣區龍正

梧州府志

卷之五 公署

二十二

修建

典史署在縣堂東

國朝康熙四十二年典史李紹英建

布政司分司署縣治東洪武三年同知王清建久
廢

按察司分司署縣治西洪武三年建後爲本道出
巡駐劄今廢

府館縣治西成化三年建今廢

分防署在縣署右

大洞巡檢司廨在城東南七十里大橫村明洪武

間建久經寇燬今移建塘垆

粉壁寨巡檢司廨在城南一百里大營村明洪武

二年建久圯里民重修

永豐倉在縣治東計二十七間門萬歷四十八年

知縣區龍正建

國朝康熙四十二年知縣徐發五十七年知縣張嘉

碩雍正五年知縣王澂霞俱修建

監獄在縣治儀門內西邊

庫樓一座在縣堂嘉靖四十二年建今圯

養濟院舊名漏澤園在西門外久圯今移置東門

梧州府志

卷之五 公署

二十三

內景陽橋下皆茅屋收養孤貧八名又額外孤貧
八名

岑溪縣署舊在城西南五里舊縣城中明洪武三

年知縣劉鎮建永樂九年知縣謝有立重修成化

十六年知縣黃鳳翱隨城遷建今治宏治八年知

縣余敦善修嘉靖四十五年知縣揭啟改建燕廳

萬歷二十七年知縣曾莘重建闢串堂明季兵燬

國朝順治間復建康熙九年知縣劉昌言修十年署

縣事通判謝繼賢修儀門十八年知縣楊作霖修

兩廊六房雍正十三年知縣何夢瑤修建串堂三

楹創建東西二廳各三楹及耳房改後宅爲樓一座三楹乾隆七年知縣劉廷棟修復頭門改設班房捐建賓賢館

教諭署在學宮左前爲明倫堂

訓導署在忠孝祠後向係編竹以居乾隆三十三年知縣勞惠器詳動羨餘銀六十四兩訓導石燕山捐墊建內署三間廚房一間前振鐸堂三間典史署舊在縣治東乾隆三十四年典史湯廷揚詳支三年養廉創建於縣堂之西

平河巡檢司署在連城鄉水汶墟離城八十里

梧州府志

卷之五 公署

二十四

常平倉在縣署東南計三十四間

分防署在縣治右

按察司分司署在縣署東今廢

義平巡檢司署缺裁署廢

濟留倉在串堂後今廢

預備倉在縣署今廢

庫一間在縣堂右

監房在頭門內西偏乾隆元年知縣何夢瑤捐俸改建

懷集縣署在南城內元至正六年燬於蠻賊明洪

武三年知縣楊定省建正統二年知縣李濬修成
化四年知縣陸德修宏治八年知縣區昌重修建
聳雲樓隆慶六年知縣雲上行重修改曰倚雲崇
禎十四年知縣李盤構軒樓西值旱步禱得雨曰
隨雨後圮

國朝康熙四年知縣鄒文郁重修正堂三楹大門上
舊爲譙樓四十三年知縣桂天華修建加增地勢
四十七年署縣事同知姚士琳修四十八年知縣
岳康重修堂署於倚雲樓址重建樓五楹隨雨軒
址前後各建書屋三楹雍正二年知縣陳廷嵩重

梧州府志

卷之五 公署

二十五

修十年知縣江源捐貲修建儀門五楹舊右爲儀
仗庫左爲椽房今改建倉大門內舊東爲土地祠
西爲寅賓館今俱改爲倉旌善申明二亭舊列大
門內萬歷十年知縣林春茂遷建大門外後俱燬
乾隆十年知縣冀宏璧修復申明亭二十年知縣
顧旭明重建譙樓修復旌善亭
教諭署在學宮東南明宏治中知縣區昌建
國朝順治十四年教諭鄭開曙康熙十八年教諭唐
忠弼四十六年教諭劉如晏俱重修
訓導署在學宮西南明宏治中知縣區昌建

國朝順治十四年裁康熙二十二年復設訓導歐陽燭修四十六年訓導甘霖濟重修

典史署在縣治儀門內東今廢賃居民房

武城巡檢司署在縣東三十里武城鄉明洪武三年設萬歷中重修久廢今移駐連會堡離城三十里

慈樂巡檢司署在縣西明萬歷十三年移設金鵞後仍改回今移梁村堡離城五十里

預備倉在儀門內西明成化十六年知縣馮鍾建四間萬歷十一年知縣林春茂建二間四十七年

梧州府志

卷之五 公署

二十六

知縣謝君惠修倉廳三間東西廡四間又建一間

國朝雍正五年署縣事劉信嘉建五間六年署縣事

陳璠建一間七年知縣江源修建六間

社倉

國朝雍正二年知縣陳廷嵩於各鄉堡各蓋社倉一間共建十三間

庫樓一所在縣堂東明嘉靖四十年署縣通判李鵬舉建萬歷四十五年知縣謝君惠修崇禎六年被猺寇燬十四年知縣李盤重建

國朝康熙十四年知縣臧振榮修葺久圯雍正七年

知縣江源重修

監獄頭門內西偏

養濟院舊址在城東後遷城北茅屋火燬萬歷間知縣林春茂遷建瓦屋四十六年知縣謝君惠重建瓦屋十間後被侵占止存茅屋三間雍正四年奉文建造瓦房三間兩廊小房共十間門樓一座養給孤貧一十二人

分防署久圯

國朝康熙四十五年知縣桂天華請以分司公館改爲防守署

梧州府志

卷之五 公署

二十七

分司署在縣署東今廢爲防守署

蘭崗巡檢司署在縣北七十里蘭崗山口久廢
濟留倉在縣堂東今廢